

Kändlleit-disko Kurtl Kreisch Boogie



Von draußen einzählen "1" Einleitung Jaul

Refrain

Jo in da Kändlleit-Disko
schpüt sa si heit wiede füachtlich o,
weu jeda, dea wos auf si hoit,
is natialich wiede do.
Und do red ma und do taunz ma
und da rauch ma und do sauf ma si au.

1

Und um den schenstn Hosn is
natialich wiede s greßte Griß.
Wea mit ia amoi taunzn deaf
glaubt, daß olles leiwaund is.
Nua die aundan findn heit die Schtimmung
wiede amoi füachtlich mies.

Wie imma is von zehn bis öfe
wiede "Teim Foa Rockn Roi". Leiwaund!
Und die Taunzfläch is glei
mit Rockn-Roi-Päachen voi.
Oba fia a richtige Schupfarei
is sie leida vü zu schmoi.

Refrain SOLO Jaul füachtlich, füachtlich Erich?

2

Am Höhepunkt des Obmids schpüt
da Distschoke "Sätisfäktchn", Supa!
worauf si olle in da Disko
auf die Taunzfläch zuwequetschn.
Und es heascht auf jedn Gwadratcentimeta
nua mea Äktschn.

Die gaunze Masse hupft im Takt
und schreit: "Ei kän get no ...!" (Alle)
Jo es heascht a Bunkastimmung Ei kän get no ...!
wie auf ana Oagie im Ghetto.
Und a jeda schwitzt mindestns
zwa Kilo Fett o. Ei kän get no ...!"

Refrain SOLO Jaul füachtlich, füachtlich Erika?

3

Wie die Numma endlich aus is
foin glei zwa Hawara um.
Olle schtön fochmännisch fest:
"Zvü Kola-Rum."
Und i sog zu meina Freundin:
"Geh bitte loß doch liegn - kumm." Wohin denn?

Mia hockn uns in a Eckn
und faungan zum Schmusn aun. Bussi, Bussi
Und jeda aundre in da Disko
mochts genauso, wenn as kaun. Ich liebe dich! Ich mich auch.
Nua wea übrig bleibt schteht aun da Bah
und feut si gegenseitig aun. Geh scheißn. SÖBA!

Refrain SOLO Jaul füachtlich, füachtlich Mama?

Und daun um zwa kummt da Köhna
und sogt: "Es is scho gnua.
Schleichs eich außè, mia schpean
Gott sei Daunk die Bude endlich zua." Wos, jetzt scho?
Und mia schtengan auf und schmusn
draußn weida bis in da Frua.

